


WIZARA YA ELIMU, SAYANSI NA TEKNOLOJIA

CHUO CHA UALIMU MAMIRE

Phone: **0754 45 1100**

E-mail:

mamiretc@gmail.com



S.L.P 561

Babati

Manyara

Website: www.mamiretc.ac.tz

Unapojibu Tafadhali taja:-

Kumb.Na.MMR/TC/UTA/05/149

16 Mei, 2022

Ndg/Bi

S.L.P

.....

YAH: MAELEKEZO YA KUJIUNGA NA MAFUNZO YA UALIMU MWAKA 2021/2022

1.0 UTANGULIZI

Ninafurahi kukujulisha kuwa umechaguliwa kujiunga na mafunzo ya Ualimu kozi (Programu) ya _____ katika chuo hiki.

Chuo cha Ualimu Mamire kipo kata ya Mamire, Wilaya ya Babati, Mkoa wa Manyara, umbali wa Kilometa 15 Kaskazini Mashariki ya mji wa Babati. Wanachuo wanaojiunga na chuo hiki huchaguliwa kwa kuzingatia vigezo rasmi vya ufaulu katika mtihani wa kidato cha IV na VI vilivyowekwa na Wizara ya Elimu, Sayansi na Teknolojia. Chuo kinakupongeza kwa kuchaguliwa kujiunga na mafunzo ya Ualimu katika chuo hiki; hongera sana.

2.0 TAREHE YA KUWANZA MAFUNZO

Mafunzo kwa wanachuo wa mwaka wa kwanza yataanza tarehe **13 Juni, 2022**. Ripoti chuoni siku hiyo kwa ajili ya usajili na kuanza rasmi mafunzo. Mara ufikapo chuoni fuata taratibu za usajili ukiwa na vyeti halisi na viambatanisho vyote.

3.0 HUDUMA MUHIMU

3.1 CHAKULA: Wanachuo wote hupatiwa chakula chuoni katika bwalo la chakula. Chuo hakina uwezo wa kutoa huduma ya chakula maalum (special diet) kwa wanachuo wenye uhitaji huo.

3.2 AFYA: Chuo kipo karibu na kituo cha afya Mamire ambapo mwanachuo anaweza kupata huduma ya matibabu kwa gharama nafuu. Matibabu zaidi hupatikana katika hospitali ya mji wa Babati au Hospitali ya rufaaa ya Mkoa wa Manyara kwa gharama za mwanachuo mwenyewe. Hivyo iwapo una kadi ya bima ya Afya unashauriwa kuja nayo.

Wanachuo wasio na Bima ya afya wanapswa kujiunga na huduma hiyo kwa kulipia jumla ya **Tsh. 50,400/=** tu kwa mwaka. Fedha hii italipwa pamoja na michango ya Chuo.

Taratibu za kujiunga na huduma hiyo zitaratibiwa chuoni kwa kushirikiana na uongozi wa mfuko wa Bima ya Afya.

3.3 HUDUMA ZA KIFEDHA: Huduma za benki zinapatikana mjini Babati katika matawi ya benki ya NMB, NBC, CRDB na Benki ya Posta, pamoja na mawakala wao waliopo Mamire. Uongozi wa chuo unashauri wanachuo wahifadhi fedha zao benki au kwa kutumia huduma za fedha zitolewazo na makampuni ya simu kama vile M-Pesa, Tigo-pesa n.k.

3.4 USAFIRI: Usafiri wa kufika chuoni kutoka mjini Babati unapatikana kwa urahisi kuanzia saa 2:30 asubuhi hadi saa 12:00 jioni. Kuna usafiri wa bodaboda kutoka kituo cha daladala cha Mamire hadi chuoni kwa Shilingi 1,000 tu.

3.5 MALAZI: Malazi yanapatikana bure katika mabweni ya chuo. Unatakiwa kuleta vifaa vifuatavyo kwa ajili ya matumizi binafsi bwenini:-

- (i) Shuka tatu – Pink;
- (ii) Mto na foronya mbili – pink;
- (iii) Blanketi;
- (iv) Chandarua cha mviringo/mraba ft 4*6 au zaidi
- (v) Ndoo 2 za maji zenye ujazo wa lita kumi (10) kila moja kwa matumizi binafsi.
- (vi) Sanduku imara lenye kufuli kwa utunzaji salama wa vifaa vyako.
- (vii) Vyombo vya chakula (sahani, bakuli, kikombe na kijiko) **visiwe vya plastiki.**
- (viii) Taulo za kike za kutosha
- (ix) “Toilet papers” (5) vyoo ni vya maji.
- (x) Nguo za ndani za kutosha
- (xi) Vibanio vya kuanikia nguo
- (Xii) Nguo binafsi zenye staha na zinazoendana na kazi ya Ualimu unayosomea.
- (Xiii) Simu kwa ajili ya mawasiliano na ujifunzaji
- (xiv) **Kwa waumini wa kiislamu:** wanaume waje na kanzu nyeupe na wanawake waje na baibui nyeusi kwa ajili ya kwenda msikitini siku za ibada.
- (XV) Begi la mgongoni kwa ajili ya kubebea madaftari na vitabu.

4.0 VYETI NA VITAMBULISHO:

4.1 Wanaojiunga na mafunzo ya **Astahhada ya Ualimu Elimu ya Msingi** wanatakiwa kuleta vyeti/hati zifuatazo:-

- (i) Cheti halisi cha kidato cha nne (IV) kilichotolewa na Baraza la Mitihani la Tanzania (NECTA). Result slip hazikubaliki isipokuwa kama vyeti bado havijatolewa;
- (ii) Cheti halisi cha kidato cha sita kama umehitimu ngazi hiyo ya Elimu;
- (iii) School leaving certificate ya kidato cha nne.
- (iv) Cheti cha kuzaliwa;
- (v) Barua ya mwajiri kukuruhusu kuja mafunzoni ikiwa wewe ni mwajiriwa;
- (vi) Medical Examination form iliyojazwa na Mganga Mkuu wa hospitali ya Serikali; fomu **imeambatanishwa**. Hakikisha unafanyiwa vipimo vya afya vilivyoagizwa;
- (vii) Vyeti vya mafunzo mengine uliyopitia;
- (viii) Vivuli(photocopies) za vyeti vya kitaaluma vilivyotajwa hapo juu.

4.2 Wanaojiunga na mafunzo ya **Stashahada ya Ualimu Elimu ya Sayansi na Hisabati** wanatakiwa kuleta vyeti/hati zifuatazo:-

- (i) Vyeti halisi vya kidato cha nne (IV) na Sita (VI) vilivyotolewa na Baraza la Mitihani la Tanzania (NECTA). Result slip hazikubaliki isipokuwa kama vyeti bado havijatolewa;
- (ii) School leaving certificate ya kidato cha IV na VI;
- (iii) Cheti cha kuzaliwa;
- (iv) Barua ya mwajiri kukuruhusu kuja mafunzoni ikiwa wewe ni mwajiriwa;
- (v) Medical Examination form iliyojazwa na Mganga Mkuu wa hospitali ya Serikali; fomu **imeambatanishwa**. Hakikisha unafanyiwa vipimo vya afya vilivyoagizwa;
- (vi) Vyeti vya mafunzo mengine uliyopitia;
- (vii) Vivuli(photocopies) za vyeti vya kitaaluma vilivyotajwa hapo juu.

5.0 GHARAMA ZA UENDESHAJI

Kila mwanachuo anatakiwa kuchangia gharama za uendeshaji kama ifuatavyo:-

a) Ada: Ada ya mafunzo ni TSh.450,000/= kwa mwaka. Ada hii inaweza kulipwa yote au kwa awamu mbili; TSh.225,000/= kwa muhula. **Malipo ya ada yafanyike mwanzoni mwa Muhula.**

Malipo ya ada yanafanyika kupitia mfumo wa malipo ya fedha za serikali **Government e Payment Gateway** (GePG) hivyo mwanachuo anatakiwa aweke fedha zake kwenye mifumo ya fedha ya kielektroniki ili atakapofika Chuoni apatiwe namba ya utambulisho wa malipo (**Control number**) kwa ajili kufanya malipo.

NB:Malipo ya ada yasifanyike kwenye akaunti ya michango.

b) Michango:

- (i) Kitambulisho na Usajili: TSh.20,000/= kwa mwaka wa kwanza tu;
- (ii) Serikali ya wanachuo TSh.5,000/= kwa mwaka;
- (iii) Godoro Tsh 10,000/= Kwa mwaka
- (iv) Ukarabati TSh.25,000/= kwa mwaka;
- (v) Usafi na mazingira TSh.20,000/= kwa mwaka;
- (vi) Ulinzi Tsh. 30,000/= kwa mwaka
- (vii) Elimu ya Michezo TSh.30,000/= kwa mwaka;
- (viii) Huduma ya kwanza TSh. 10,000/= kwa mwaka;
- (IX)Bima ya afya Tsh:50,400/=kwa mwaka kwa wasio nayo,

Michango yote ilipwe kupitia akaunti namba **40710011350** yenye Jina la **Mamire Teachers College Reccurrent A/C iliyopo benki ya NMB**. Majina kamili ya mwanachuo yaandikwe katika fomu ya malipo (Pay-in- Slip).


6.0 SARE ZA CHUO

Wanachuo wote lazima wavae sare rasmi ya chuo wakati wa masomo, shughuli rasmi na wakati wa matembezi nje ya chuo. Kila mwanachuo anatakiwa kuwa na sare kama ifuatavyo:-


a) Wanaume:

- (i) Suruali mbili (2) rangi nyeusi plain – kitambaa imara kisichopauka haraka (kisiwe kitambaa cha kuteleza)(upana wa chini (mzunguko) **usipungue sm 36**.
- (ii) Koti jeusi - kitambaa kinachofanana na suruali/sweta jeusi la kufuma (V- shape shingoni)
- (iii) Mashati mawili mikono mirefu – rangi nyeupe, yenye vishikizo/vifungo vilivyoshonewa.
- (iv) Tai ndefu nyeusi;
- (v) Viatu vyeusi vya ngozi vya kufunga na Kamba; vyenye visigino vifupi.
- (vi) Soksi nyeusi (**jozi 2**);
- (vii) Mkanda wa suruali mweusi usio na urembo.
- (viii) T-Shirt yenye nembo ya Chuo kwa TSh.15,000/= inapatikana chuoni;

Mashono ya suruali na koti yazingatie picha Na.1 na 2 kama inavyoonekana hapo chini. Mitumba hairuhusiwi. Picha namba 1Picha Namba 2



1



Kumbuka: Sare ambazo hatakidhi viwango vya ubora hazitakubalika.

Nywele na ndevu zinyolewe ziwe fupi na zisiwe katika mtindo wowote

b) Wanawake

(i) Sketi mbili (2) nyeusi - kitambaa imara kisichopauka haraka (isiwe kitambaa cha kuteleza). **Sketi iwe ya heshima, isiyobana na iwe ndefu mpaka chini.**

(ii) Koti jeusi la kitambaa kinachofanana na sketi /sweta jeusi la kufumwa kwa uzi ya (v shape shingoni).

(iii) Mashati mawili (2) mikono mirefu – rangi nyeupe, yenye vishikizo/vifungo vilivyoshonewa.

(iv) Tai ndefu rangi nyeusi;


(v) Viatu vyeusi (jozi 2) vya kufunga kwa kamba vyenye visigino vifupi;

(vi) Soksi nyeupe, ndefu (jozi 2)

(vii) Ushungi mweupe usiokuwa na urembo kwa wasichana Waislamu watakaopenda kuvaa;

(viii) T-Shirt yenye nembo ya Chuo kwa TSh.15,000/= itapatikana chuoni

Mashono ya sketi na koti yazingatie mchoro namba 1 na namba 2 hapo chini



2.

Kumbuka: Sare ambazo hazitakidhi viwango vya ubora hazitakubalika.

NYWELE

Nywele zinyolewe ziwe fupi zisiwe na mtindo wowote kwa wasiosuka.

Nywele zisukwe utii wa Roda kwa wanaosuka.

Rasta ,Wigi au Rangi yoyote kwenye nywele hairuhusiwi na hautapokelewa Chuoni.

7.0 VIFAA VYA TAALUMA:

- (i) Daftari 13 quire 3, Kalamu za kutosha, Rula na faili (spring file)(13);
- (ii) 'Mathematical instruments' seti moja (1);
- (iii) Wanachuo wa kozi ya Stashahada ya Elimu ya Ualimu ya Sayansi na Hisabati waje na Scientific Calculator;
- (iv) Rimu ya karatasi (01) kwa matumizi binafsi ya kitaaluma.
- (v) Kalamu za rangi mbalimbali kwa ajili ya kuchorea vielelezo vya kufundishia;
- (vi) Kamusi ya kiingereza (English-English Dictionary) na kamusi ya Kiswahili fasaha (wanachuo wa Astashahada ya Elimu ya Msingi)
- (vii) Advanced English learners Dictionary kwa wanachuo wa ngazi ya Stashahada
- (viii) Vitabu viwili (02) vya masomo ya kufundishia (tahasusi unayosomea) na mihtasari yake kwa wanachuo wa ngazi ya Stashahada.
- (ix) Vitabu vinne (04) vya masomo yanayofundishwa shule za Msingi na mihtasari yake

8.0 NGUO ZA MICHEZO:

- a) Tracksuit (**mpya**)– dark blue yenye mstari mweupe pembeni;
- c) T-Shirt na Bukta(**mpya**)-bluu bahari(isiyo na maandishi/picha) yoyote;
- d) Viatu vya michezo /raba za kufunga kwa kamba.

9.0 PICHA:

Leta picha nne (4)“passport size” Light blue background” kwa ajili ya matumizi ya ofisi.

10.0 KANUNI NA SHERIA ZA CHUO:

Chuo cha Ualimu Mamire kama ilivyo vyuo vingine vya Ualimu, huendeshwa kwa kufuata sheria mbalimbali za nchi, kanuni, taratibu na sheria za chuo. (**Sheria na kanuni zimeambatishwa**) Soma na kuzielewa kabla ya kuripoti chuoni. Ufikapo chuoni utapewa maelekezo na ufafanuzi zaidi yatakayoambatana na ujazaji wa fomu ya kukubaliana na sheria, kanuni na taratibu za chuo.

11.0 MWISHO:

Kumbuka kuwa siku zote mwalimu anapaswa kuwa mfano bora wa kuigwa kwa mazuri na wanafunzi wake na jamii kwa ujumla. Kwa hiyo kila mwanachuo anapaswa kuzifahamu, kuzingatia na kuzifuata ipasavyo sheria za nchi, kanuni na taratibu mbalimbali za chuo.

Aidha kila mwanachuo anatarajiwa kuwa na bidii katika taaluma.

Karibu sana Chuo cha Ualimu Mamire.

Jesca N. Moiro

Mkuu wa Chuo

GOVERNMENT OF TANZANIA

PART A: REQUEST FOR MEDICAL EXAMINATION

From: The Principal,
Mamire Teachers' college,
P.O.Box. 561,
BABATI - MANYARA

To: The Medical Officer

.....
.....

REF: Mr/Mrs/Miss (Name in Full)

Please examine the above named as to *his/her physical and mental fitness for a full time teachers training course. The examination should include the following categories (I & II), each category or sub category of which will render the applicant ineligible in case of defect. Pregnancy (category II[b]) will also render a female candidate ineligible for the course.

- I. (a) Eye sight.....
- (b) Hearing.....
- (c) Speech
- (d)Limbs.....
- (e) Venereal disease
- (f) Leprosy
- (g) Peptic ulcers
- (h) Epilepsy
- (i) Tuberculosis.....

- II. (a) Neuroses.....
- (b) Pregnancy.....
- (c) Mental and Physical Fitness
- (d) Other Serious Diseases i.e. TB/HIV.....

PART B:

MEDICAL CERTIFICATE (To be completed by a Government Medical Officer)

I have examined the above named and consider that *he /she is physically *fit/unfit for a full time teachers' training course.

I. (a) Eye sight..... (b) Hearing..... (c) Speech.....

(d) Limbs.....(e) Venereal disease..... (f) Leprosy.....

(h) Peptic ulcers.....(i) Tuberculosis.....

II. (a) Neuroses(b) Pregnancy.....(c) Mental and Physical Fitness..... (d) Other Serious Diseases i.e. TB/HIV.....

Name..... Designation..... Date.....

Station..... SignatureOfficial stamp:

***Delete whichever inapplicable**

WIZARA YA ELIMU, SAYANSI NA TEKNOLOJIA

CHUO CHA UALIMU MAMIRE

E-mail: mamiretc@gmail.com
Website: www.mamiretc.ac.tz



S.L.P 561,
Babati,
Manyara.

KANUNI, SHERIA - NA TARATIBU ZA CHUO

Chuo cha Ualimu Mamire ni chuo cha serikali na kinaongozwa sheria za nchi na sheria na kanuni zilizoainishwa katika mwongozo wa uendeshaji wa vyuo vya ualimu Tanzania.

Ili kumpa mwanachuo madaraka kamili juu ya tabia yake, chuo kina kanuni na sheria zifuatazo:

MAADILI:

A. Mavazi

- i. Kila mwanachuo anapaswa kuvaa sare wakati wote na mahali popote akiwa chuoni, isipokuwa wakati wa kazi za nje baada ya masomo.
- ii. Mwanachuo lazima avae sare ya Chuo wakati wote anapokuwa nje ya Chuo kwa shughuli zote za Chuo au zake binafsi.
- iii. Mwanachuo lazima avae mavazi ya heshima awapo mafunzoni hapa chuoni.
- iv. Vaa mavazi ya heshima uwe na haiba nzuri ya kiualimu (mavazi ni yale yaliyobainishwa katika mwongozo wa mavazi ya watumishi wa umma.
- v. Mavazi ya heshima yavaliwe kulingana na shughuli husika. Mfano, michezo, shughuli mbalimbali nje ya darasa.
- vi. Mwanachuo haruhusiwi kuingia bwaloni, darasani na maeneo ya utawala akiwa na mavazi yafuatayo: bukta, kandambili, "night dress," kofia, kanga, shuka n.k.

B. LUGHA

- i. Mwanachuo anapaswa kutumia lugha rasmi/fasaha katika mawasiliano (kiingereza au Kiswahili)
- ii. Ni marufuku kutumia lugha za matusi au kashfa katika mawasiliano yoyote .

C. HESHIMA NA UTII KWA TARATIBU ZA CHUO

- i. Kila mwanachuo ajiheshimu mwenyewe kwa kuweka mwili wake na mavazi katika hali ya usafi na heshima.
- ii. Kila mwanachuo awaheshimu wenzake, viongozi, wageni, walezi wote na watu wengine anaokutana nao hapa Chuoni na nje ya chuo. Siku zote kuwa kielelezo chema cha mtu aliyeelimika.
- iii. Wanachuo wote wanapaswa kuishi kwa uhusiano wa kaka na dada na pia kuishi na walezi kama mama na baba na si vinginevyo. **(Ni kosa kwa wanachuo kuwa na mahusiano ya kimapenzi katika mazingira ya mafunzo)**
- iv. Kila mwanachuo apaswa kuwa mfano bora kwa kauli, nidhamu na matendo mema.
- v. Kila mwanachuo anapaswa kuwa na kiasi katika starehe. Ulevi wa aina yoyote ni mwiko.
- vi. Kila mwanachuo anapaswa kuwa mkweli na mwaminifu kila wakati.
- vii. Wanachuo wanapaswa kutunza na kulinda mali ya umma, mali yake na mali za wenzake. Uharibifu wa aina yeyote hautavumiliwa.
- viii. Chakula kitaliwa bwaloni/kantini. Hairuhusiwi kujipikia mahali popote katika eneo la chuo.
- ix. Ni marufuku kufanya mikutano ya aina yoyote pasipo kupata kubali rasmi kutoka kwa mwadili.

D. MIPAKA:

- i. Ni marufuku kwa wanachuo wa kike (wanawake) kwenda bwani la wanachuo wa kiume (wanaume) au wanaume kwenda bwani la wanachuo wa kike.
- ii. Ni kosa kwa wanachuo kujiingiza katika tabia ya uasherati au uzinzi na mtu yeyote.
- iii. Ni marufuku kwa wanachuo kutembelea nyumba za watumishi isipokuwa kwa kibali maalum kutoka ofisi ya uadili au mkufunzi wa zamu.

E. WAJIBU:

- i. Wanachuo wanapaswa kuwahi wakati wote anapohitajika, kwa kengele au ishara nyingine.
- ii. Wanachuo wanapaswa kutimiza wajibu atakaopangiwa ndani na nje ya darasa.

F. RATIBA:

- i. Wanachuo wanapaswa kufahamu, kuheshimu na kuifuata ratiba ya chuo katika utekelezaji wa majukumu yao.

G. RUHUSA:

- i. Ruhusa ndogo (muda mfupi) kwenda maeneo ya karibu na Chuo zitatolewa na mwadili au mkufunzi wa zamu.
- ii. Ruhusa za kwenda maeneo ya mbali na chuo (mfano Babati n.k.), kuwa nje ya chuo usiku au kulala nje ya Chuo, lazima zipate kibali cha Mkuu wa Chuo.

H. MATUMIZI YA SIMU:

- i. Hairuhusiwi kutumia simu wakati wa vipindi au katika kusanyiko rasmi isipokuwa kwa ruhusa maalum (**unapaswa kuzima simu au kuweka kwenye hali ya mtetemo**).

I. WAGENI:

- i. Wanachuo hawataruhusiwa kutembelewa na wageni wakati wa vipindi au shughuli rasmi.
- ii. Wageni wa wanachuo wataruhusiwa kwa muda mfupi hasa siku zisizo za kazi (Jumamaosi na Jumapili) mchana.
- iii. Wageni hawataruhusiwi kuingia madarasani, bwenini au bwaloni, sehemu ya mapokezi itakuwa getini.

J. MATENGENEZO:

- i. Ni marufuku kwa mwanachuo yeyote kufanya matengenezo katika mifumo yoyote au vifaa vyovyote vya chuo pasipo kibali kutoka kwa mlezi.
- ii. Ni marufuku kutumia umeme kwa matumizi mengine zaidi ya kuchajisha, simu au "computer."

Kumbuka:

Yafuatayo ni makosa yanayoweza kumfanya mwanachuo aondolewe katika mafunzo bila maonyo ya awali: i. Wizi ii. Utoro iii. Uzinzi iv. Kuwa mjamzito v. kutoa mimba vi. Kupiga/kupigana na mtu yeyote vii. Kugoma au kushawishi wanachuo wengine kugoma viii. Ulevi ix. Makosa ya jinai kwa kuvunja sheria za nchi x. Kuharibu mali/vifaa kwa makusudi.